


Тиллага тенг тавсия



19:30 / 09.11.2021 5703

Интернет замонида ҳаким зотнинг ўғлига қилган тиллага тенг тавсиялари:

Ўғлим! Google, Facebook, Twitter, WhatsApp, Telegram, Instagram ва барча ижтимоий тармоқлар бамисоли тубсиз денгиздир. Унда қанчадан қанча кишиларни ахлоқлари ғарқ бўлган, ақллари чўккан.

Уларнинг ичидаги йигитлар ҳам, қариялар ҳам бор...

Тўлқинлари иффатли қизларнинг ҳаёсини ютиб юборган...

У жуда кўп халойиқни ҳалок қилган.

Унга шўнғиб кетишдан огоҳ бўл. Интернетда гўёки асалари каби бўл, аввало ўзингга, кейин ўзгаларга фойда келтиришинг учун саҳифаларни энг покизасини зиёрат қил.

Ўғлим! Пааша каби гулга ҳам, гўнгга ҳам қўниб, ўзинг билмаган ҳолда касалликларни ташима...

Ўғлим! Интернет катта бозорга ўхшайди. У ерда ҳеч ким молини текинга тарқатмайди. Ҳамма муқобилига бирор нарса хоҳлади.

Кимдир молини муқобилига одоб-ахлоқни олмоқчи бўлади...

Кимдир шубҳали фикрларини тарқатмоқчи бўлади...

Яна кимдир шуҳрат қозонгиси келади...

Яна кимдир жамиятни ислоҳ қилмоқчи бўлади...

Молни яхшилаб текширмагунингча сотиб олма.

Ўғлим! Миш-мишларни ва бўлмағур латифаларни тарқатишдан, ҳаром нарсаларни кўчириб ёйишдан ҳазир бўл.

Билгин, сен бу яхши ва ёмон нарсалар билан тижорат қилмоқдасан. Товарингни бирорга таклиф қилишингдан олдин покизасини танлаб ол, чунки мижоз сендан маслаҳат сўраб ўтирумайди, сотиб олаверади.

Ўғлим! Бирор нарса остига фикр ёзиб қолдирмоқчи бўлсанг яхшилаб ўйла, бу гапларинг Аллоҳни рози қиласими йўқми?!

Ўғлим! Кўзинг билан кўрмаган инсон билан дўст тутинма.

Одамларга ёзган нарсалари орқали ҳукм чиқарма! Чунки уларнинг исмлари ясама, суратлари сохта, ахлоқлари безалган, сўzlари ёқимли, юзларида ниқоб, ростлари ёлғон бўлиши мумкин.

Қанчадан қанча олимликни даъво қилганлар қип-қизил жоҳил, гўзаллар бадбашара, сахийлар зиқна, жасурлар қўрқоқ, Аллоҳ раҳматига олганигина мустасно. Сен ҳам Аллоҳ раҳматига олганлар сафида бўл!

Ўғлим! Ўзларига сохта исм қўйиб оладиганлардан эҳтиёт бўл. Чунки улар ўзларига ишонмайдилар. Ўзига ишонмаганга сен ҳам ишонма.

Сен ҳам бирорни исмини қўйиб олма, чунки Аллоҳ сирни ҳам, унданда маҳфийроғини ҳам билиб туради.

Ўғлим! Сенга озор берганга озор берма. Сен ўзингнинг, у ўзининг ахлоқини намойиш қиласи. Сен бу ишинг билан ўз ахлоқингни кўрсат, унинг ахлоқини эмас. Қозон ичидаги нарсаси билан тошади.

Ўғлим! Ёзаётган нарсангни саралаб ол! Сен ёзасан фаришталар ҳам ёзишади. Аллоҳ барчани кузатиб хисоб-китоб қилиб туради.

Үұлым! Даҳшатли интернет деңгизида сен учун әнг қүрқадиган нарсам ҳаром, фисқи-фұжур, беңаё нарсаларни томоша қилишингдир. Агар ушбу ҳаром нарсалардан четлаб ўта олсанг, интернетдан үзингнинг манфаатинг учун фойдалан, жамиятинг билан мулоқот қил, динингни ёйишга ҳаракат қил. Агар ҳаром нарсалар гирдобида қолганингни күрсанг, интернет дунёсидан йиртқич ҳайвондан қочганингдек қоч, чунки қиёматда дўзах борадиган жойинг, ҳақ-хуқуқини топтаган инсонларинг хасминнга айланишади.

Үұлым! Шайтоннинг қармоғига ғафлатда қолганлар, шаҳватга берилғанлар илинади. Бу иккиси интернетнинг устунларидан ҳисобланади.

Интернет ғафлатинг учун әмас, хизматинг учун яралған. Сен уни икки дунё манфаатинг учун ишлат, сени ишлатишга қўйиб қўйма! У билан келажагингни қур, сени бузиб ер билан яксон қилишига йўл қўйма! Охиратда сени фойдангга ҳужжат бўладиган қил, зиёningга ҳужжат қилма!

Аллоҳ барчамизни тўғри йўлидан адаштирмасин. Амин!

Муҳаммад Али Муҳаммад Юсуф